

El sa senta bain en la chasa rumantscha

Martin Gabriel timuna la gruppa da project a la tschertga dal futur da las medias rumantschas

■ (anr/ac) Intensiv, dentant interesant valitescha il secretari general da la Lia Rumantscha, Martin Gabriel, ses emprims tschient dis en uffizi. Las medias rumantschas èn stadas il tema dominant en quella fasa. Infurmaziuns e discussiuns en chausa medias rumantschas dettia a chaschun da la radunanza da delegads da la Lia Rumantscha ils 28 d'october a Lantsch.

S'entriclà dad avair surpiglià il post dal secretari general da la Lia Rumantscha n'è Martin Gabriel tuttavia betg. S'enter il emprims tschient dis en uffizi valitescha el sia lavur sco intensiva, dentant interesanta. El ha ditg dad avair pudì surpigliar ina instituziun che funcziunava cun fatschentas bain documentadas che hajan purschi l'invista necessaria. Sia entschatta sco secretari general saja vegnida levgiada dad in buna equipa da collavuraturas e collavuratur. Gabriel ha accentuà ch'el sa sentia da chasa en il mund rumantsch, uschia saja il pass da l'administraziun communal en chasa rumantscha succedi en il dretg mument. E dapi l'entschatta è il secretari general stà fermamain fatschentà cun l'avegnir da las medias rumantschas. El ha fatg attent a la proxima radunanza da delegads dals 28 d'october a Lantsch nua che las medias rumantschas sajan tematisadas. Decisiuns na sajan betg tractandadas a Lantsch, tenor il secretari general dettia anc nagut da decider. Ins vegnia ad infurmar delegadas e delegads davart ils resultats da la retschertga e davart l'organisasiun dal project medias rumantschas. Il secretari general vegn a timunar sez la gruppa da project en funcziun sco coordinatur. Part da quella gruppa da lavur fa



Martin Gabriel ha discurre da trais mais intensiv en sia nova incarica sco secretari general da la Lia Rumantscha.

FOTO: RTR

Eva Riedi, specialista per cussegliaziun e comunicaziun dad interpresas, ed en discussiun è Hansi Voigt, enconuscent sco iniziatur da la gasetta online «Watson». Sin fundament da las infurmaziuns quinta Gabriel cun ina discussiun en chausa avegnir da las medias rumantschas entaifer la radunanza da delegadas e delegads a Lantsch. El ha gia fatg stim ch'els parairis divergeschan quai che pertutga l'avegnir da las medias rumantschas

gia a chaschun dad ina scuntrada cun ils represchentants da las organizaziuns regiunalas.

Il temp per preschentar soluziuns è stgars

Gabriel ha fatg attent a la voluntad da la gruppa da project da na sulet consultar las opiniuns dals timuns da las organizaziuns rumantschas, mabain dad era sa scuntrar cun ils consuments da las me-

dias rumantschas per eruir ils basegns. Ch'il temp a disposiziun a la gruppa da project da preschentar enfin la stad proxima soluziuns e stgars è er il secretari general da la Lia Rumantscha conscient. El na vul betg sclauder l'opziun da chattar soluziuns per prolungar la fasa transitorica per l'ediziun da La Quotidiana per in ulteriur onn sche quai sa mussia per necessari. Malgrà ch'il tema medias fatschenta momentan intensiv Gabriel ha

el fatg attent ad ina ulteriura fatschenta tractandada a chaschun da la proxima radunanza da delegads. L'onn 2019 festivescha la Lia Rumantscha ses 100avel onn d'existenza ed il secretari general è da l'avis ch'i stoppia reussir da metter la Rumantschia en il focus da l'entira Svizra a quella chaschun. La diaspora rumantscha fatschenta medemamain il secretari general che ha fatg attent al surpli daners mess a disposiziun da la confederaziun a partir da l'onn 2020 a favur da la diaspora. Gabriel ha punctuà che quellastentas na gajan betg a disfavur da las regiuns. S'exponer vul la Lia Rumantscha medemamain vers l'iniziativa «No Billag» che periclitoschia essenzialmain la purschida da Radio e Televisiun Rumantscha.

Las activitads da la Lia Rumantscha èn enconuscentas

Gabriel na vul savair nagut dad ina organizaziun tetgala rumantscha activa sper la populaziun vi. El ha fatg stim che las diversas activitads da la Lia vegnian resentidas e la populaziun sappia tgi che la Lia Rumantscha saja e tge ch'ella fetschia. La situaziun saja sa midada considerabel durant ils decennis passads. Sa midà è tenor ses sentiment era la vista da la represchentananza turistica sin la lingua e cultura rumantscha ed il secretari general ha ditg ch'il turissem grischun saja pertschert da la valor trilingua dal chantun. Sustegn chattia la Rumantschia era da la vart da la confederaziun, ella veglia dentant savair tge che la Rumantschia fetschia cun ils daners a disposiziun e quai saja sa chapescha era legitim.